

La Quotidiana 1-7-2016, p. 17

17.25 CUNTRASTS SIN SRF 1

«Sas anc?»: Biert u Peer?

En ils onns sessanta e setanta da l'ultim tschientaner eri simpel da mussar culturalmain colur: Es ti Beatles u Rolling Stones, era la simpla dumonda tar blera glieud



giuvna. Natiralmain Rolling Stones, ils Beatles eran gea bler memia bravs. Frisch u Dürrenmatt? Adina il segund, almain en quai che pertutgava mai. Russi u Colombin u perfin Coop u Migros? Be tar ils dus scripturs engiadinais na gartegiava la resposta simpla mai. Perquai vesais en l'emprima ediziun dal «Sas anc?», l'emissiun da stad da RTR, la varianta da salvament, quella da tuts dus: Mintgamai in purtret filmic dal prosaist Cla Biert e dal poet Andri Peer.